

և նորա հասեալ անդ թէպէտեւ բաժանեաց զգիրս նոցա, այլ ոչ ընկալաւ որոշ պատասխանիս և յաճախէր ստէպ առ Կելիկեան Պօղոս, և Պատրիարքն այլ և այլ բանիւք հայեցուցանէր զնա 'ի դումարումն ազգային ժողովոյ :

Յառաջագոյն ըստ հրաւիրելոյ Իշխանաւորաց ազգին գնացեալ էին 'ի Կոստանդինուպօլիս Եղիա, Կիրակոս եւ Գիոնէսիոս Եպիսկոպոսունք, ուր էր և Զմիւռնացի Յարութիւն վարդապետն, եւ 'ի դումարիլ ազգային ժողովոյն ընտրեցին զԵօթն Խորհրդականս Աթոռոյն եւ վասն դիւրութեան և բարւոք կառավարութեան Աթոռոյն, խմբագրեալ էր յառաջագոյն Պօղոս Պատրիարք կանոնական բանս գիտութեամբ ազգայնոց, և 'ի մատուցանել զայն յատեան, ամենեքեան հաճեալ ընդ իմաստս նորին և ձեռն արկեալ կնքեցին, զորոյ զպատճէնն ունիմք զնել 'ի ստորեւ : Եւ ապա խորհրդով գրով և կանոնական բանիւք դարձուցին զԽորհրդականս յերուսաղէմ, ծանուցանել զմիտս նոցա միաբանաց վասն օգտի Աթոռոյն : Եւ նոցա հասեալ յԿոնիոն հիւանդացան ոմանք 'ի նոցանէ, և մնացին անդ մինչեւ գտին զառողջութիւնն : Իսկ զՅարութիւն վարդապետ եւ զայս սառքեցին ընդ կարավանին 'ի Գամասկոս, սպասել նոցա անդ, զի 'ի միասին մտցեն յերուսաղէմ ըստ պատուիրելոյ Ամիրայից : Եւ անտի ազգ արարին միաբանաց չխարիլ 'ի տիրողաց երկրին, և չվատնել յում պէտս զդրամս, սակս առնլոյ զգրեանս, զի չէին ինչ օգուտ, այլ սպասել զալստեան նոցին (Սեպտեմբեր 13) : Եւ յետ այնորիկ չորեքին խորհրդականքս այսոքիկ մտին խաղաղութեամբ յերուսաղէմ, և որքան կարելի էր խոնարհութիւն ցուցեալ ընկալեալ եղեն 'ի Պատրիարքէն և 'ի միաբանութեանէ, որ և յետոյ բազում ինչ գրեցին առ ազգապետս : Եւ յետ ընթեռնելոյ 'ի ժողովի միաբանաց զգիրս ազգին եւ Պատրիարքին, մատուցին նաեւ զկանոնագիրն որ ունէր օրինակ զայս :

Որովհետեւ հոգելոյս նախնիք մեր իբրեւ յատուկ հոգեւոր պարտաւորութիւն իմն համարելով յԱստուծոյ ինքեանց տնօրինեալ և պատուիրեալ ջանային 'ի շինութիւն և 'ի պայծառութիւն քրիստոսական փրկագործ տեղեաց, և տիեզերական Աթոռոյն Երուսաղէմի և 'ի բարեկարգու-